

# ՄԻԱՄՆԱԿԱՆ ՔՆՆՈՒԹՅՈՒՆ

2018

## ՀԱՅՈՑ ԼԵԶՈՒ ԵՎ ՀԱՅ ԳՐԱԿԱՆՈՒԹՅՈՒՆ

### ԹԵՄԱՏ 4

Խմբի համարը

Նստարանի համարը

#### Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: ***Թեստ-գրքույկը չի ստուգվում: Ստուգվում է միայն պատասխանների ձևաթուղթը:***

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

## Ա մակարդակ

1

Համարակալված բառերում բաց թողած տառերը կամ տառակապակցությունները պատասխանների ո՞ր շարքում են ճիշտ նշված:

*Վատ սալարկվա-(1), խորդուրդր-(2), ջրափոսերով ու ա-բակույտերով(3) պատված փողոցների անհրապույր պատկերը նրան հիշեցրեց ի-ը(4) տարի առաջ այստեղ կատարած իր առաջին այցը, երբ ասորի առևտրականները, հնդկական փ-ոսկրից(5) սարքված երկփե-կ(6) սր-ապատկերներից(7) ու զանազան իրերից բացի վաճառում էին ավետարանիչների և առաքյալների գրչին պատկանող կեղծ ուղեր-ներ(8) ու թղթեր: Դրանք անհայտ կեղծարարի խունացած բն-րինակից(9) արտագրում էր տասներկուամ-(10) մի պատանի:*

- 1) 3-դ, 6-դ, 8-ծ, 9-օ
- 2) 2-դ, 5-դ, 6-դ, 10-յա
- 3) 1-ծ, 4-նն, 5-դ, 7-բ
- 4) 1-ծ, 7-բ, 8-ծ, 10-յա

2

Ո՞ր շարքի բոլոր բառերի (կապակցությունների) բաղադրիչներն են գրվում անջատ:

- 1) առ(այն), Սան(Մարինո), դուրս(բերել), դեմ(հանդիման)
- 2) կաս(կարմիր), ամեն(մի), ծայրից(ծայր), այսօր(ևեթ)
- 3) մեջք(մեջքի), ի(բարօրություն), քար(կոծել), դիցուք(թե)
- 4) հարյուր(վեց), հինգ(հարյուրանոց), թեր(և)դեմ, չորս(հինգերորդ)

3

Ո՞ր շարքի բոլոր բառերում *է(ե)* ձայնավորի հնչյունափոխություն կա:

- 1) շինական, նշաձև, հանդիսատես, տիրուհի
- 2) մտնել, միգանուշ, կիսանդրի, գիտակցաբար
- 3) իշայծյամ, գնացուցակ, գիսավոր, շիկակարմիր
- 4) իջևանատուն, կիզանուտ, գիշակեր, իզական

4

Ո՞ր շարքի բառերի և բառաձևերի բոլոր վանկերն են բաց:

- 1) ուրախանայի, նյարդային, հեռանալու, երեկոյի
- 2) հնամենի, ենթակա, առաքինի, բացովի
- 3) հերոսավեպի, կատու, վարդապետի, գինի
- 4) համատեղելի, լուսաբացի, հեղեղելու, պատանի

5

Ո՞ր շարքի բոլոր բառերն են իրար հոմանիշ:

- 1) անիմաստ, անմիտ, անկաշկանդ, անհեթեթ
- 2) դրվատել, կշտամբել, պախարակել, դատափետել
- 3) համայն, ամենայն, ամբողջ, բովանդակ
- 4) աստանդական, ասպնջական, հյուրընկալ, վանատուր

6

Ո՞ր տարբերակում բառի սխալ բացատրություն կա:

- 1) **աղանդ** – տվյալ եկեղեցու դավանանքից շեղվող ուսմունք, **արոր** – հող հերկելու գործիք
- 2) **պաքսիմատ** – չորացրած հաց, **օշարակ** – մրգահյութի գովացուցիչ ըմպելիք
- 3) **դերվիշ** – մահմեդականների թափառական կրոնավոր, **անմեկին** – անբացատրելի, անլուծելի բան
- 4) **աղորիք** – հացահատիկ աղալու մեքենա, **նյութել** – որևէ դավանության հետևել

7

Տրված բառերից ո՞րի կազմությունն է՝

*արմատ+ածանց+արմատ (առանց հոդակապի):*

- 1) հատկապես
- 2) հարսնատես
- 3) շրջանավարտ
- 4) բերքահավաք

8

Ո՞ր նախադասության մեջ բառագործածության կամ բառի կազմության սխալ կա:

- 1) Շախմատային մրցաշարն ավարտվեց հոգուտ հայ շախմատիստների:
- 2) Երբեմն այնքան ուժգին էր ձգում սանձը, որ ձին գիրք կանգ էր առնում:
- 3) Մենք ցանկանում ենք, որ ձեռնարկության սննկացումը դաս լինի մյուսներին:
- 4) Աղջկան տեսնում էր թե չէ, միանգամից անակնկալի էր գալիս:

9

Ո՞ր տարբերակում են ճիշտ նշված բոլոր այն գոյականների համարները, որոնց հոգնակին կազմվում է *-եր* վերջավորությամբ.

*1. դրամահատ, 2. ստուգայց, 3. նիզակակիր, 4. հակաթույն, 5. ջրաշիթ, 6. ազնվայր, 7. պատշար, 8. աստղագետ, 9. ատամնաշար:*

- 1) 1, 3, 5, 6, 8
- 2) 2, 3, 6, 7, 8
- 3) 2, 4, 5, 6, 9
- 4) 1, 2, 4, 5, 7, 9

10

Ո՞ր տարբերակում հարկադրական եղանակի բայաձև *չկա*:

- 1) Պիտի կրկին դասը սերտեն իրենց սիրո՝  
Ըստ աստղային այբուբենի:
- 2) Եվ պե՞տք է արդյոք  
Քեզ միշտ ունենալ իմ կողքին:
- 3) Նա պիտի մեր առաջին  
Ու վերջին սերը լինի:
- 4) Տարիներ հետո նա պիտի դառնա  
Մի ժողովրդի ազնիվ կենսագիր...

11

**Ո՞ր տարրերակում մակբայ չկա:**

- 1) Այնտեղ՝ կապուտակ ջրերի ծոցում, իր խաղաղ օրերն էր անցկացնում էն քաջն անվեհեր:
- 2) Երազ աշխարհում Ամեն բան հավետ  
Գալիս է, գնում Ու ցնդում անհետ:
- 3) Մենք դիտմամբ փորձում էինք ջղայնացնել նրանց, սակայն չէր հաջողվում:
- 4) Մեր վարպետներն են հնուց տուֆ սիրել և այն վերածել նախշազարդ քարի:

12

**Ո՞ր տարրերակը տեղադրելու դեպքում քերականորեն և տրամաբանորեն ճիշտ նախադասություն կստացվի:**

*Բայց այդ մեծ քարայրում, ..... սև ջուր է դուրս հորդում, իբրև թե ապրում է օձերի թագավորը՝ գոհարասպատ թագը գլխին:*

- 1) որից
- 2) քանի որ
- 3) թեև
- 4) ինչով

13

**Ո՞ր շարքի բոլոր բառերն են ենթարկվում *ան* հոլովման:**

- 1) ընդմիջում, օձաձուկ, ծունկ, ձմեռ
- 2) աշուն, շարժում, լեռ, խիզախություն
- 3) նախադուռ, գումարում, արյուն, նուռ
- 4) դերանուն, ամառ, շարժում, օրոր

14

**Ո՞ր բարդ նախադասության կազմում միակազմ նախադասություն կա:**

- 1) Մթնում էր, երբ մենք հասանք լեռան ձյունասպատ գագաթին:
- 2) Եկել էր ինձ մոտ, որ գործի մանրամասները քննարկենք:
- 3) Խոսելը նրա սիրած զբաղմունքն է, բայց շատ է այն չարաշահում:
- 4) Ոչ ոք չկար. լսվում էր միայն մեղուների բզզոցը:

15

**Տրված նախադասություններից որո՞ւմ բաղադրյալ ստորոգյալ չկա:**

- 1) Մոտ էր այն օրը, երբ գործերս ավարտին պիտի հասցնեի:
- 2) Բաճկոնս փոքր-ինչ մեծ էր, ու ես նեղվում էի:
- 3) Երկու ժամ այդպես քարացել էի՝ ճոճաթռռի մեջ կծկված:
- 4) Հենց սա է այն տղան, որ այդքան աղմուկ է հանել:

16

Ո՞ր նախադասության մեջ է որոշիչն արտահայտված դերանունով:

- 1) Այդպես անցան շատ տարիներ:
- 2) Տեսավ, որ ձիավորների խումբն իրենց է մոտենում:
- 3) Քաղաքը, ուր անցավ իմ մանկությունը, քարտեզների վրայից չի անհետացել:
- 4) Նրա ծննդյան տարեդարձին մասնակցում էին բոլոր ընկերները:

17


Ո՞ր նախադասության մեջ կոչական կա (նախադասությունները կետադրված չեն):

- 1) Եղկելի մարդկանց վատ գործերը փոշի կդառնան...
- 2) Այո ես պատրաստ եմ կրելու իմ ճակատագիրը:
- 3) Դուք որոշեք ձեր անելիքը:
- 4) Բարի լույս լսում է պարոն Գևորգը հարևան քո այգուց ինչ կա ինչ չկա:

18

Ո՞րն է տրված նախադասության գծապատկերը:

*Ես ասացի, որ նորություն չունեն, և սկսեցի զննել սենյակը, որ մի շատ աղքատիկ, անզարդ և նույնքան էլ մութ սենյակ էր:*



19

Տրված բարդ ստորադասական նախադասություններից ո՞րն է ճիշտ փոխակերպված պարզի:

- 1) *Նա հետևում էր, թե ինչպես է աղջիկը շշերը դասավորում սփռոցի վրա:*  
Նա հետևում էր շշերը սփռոցի վրա դասավորող աղջկան:
- 2) *Եթե մի քիչ ավելի հեռու լիներ, նրա շարժումները չէին երևա:*  
Մի քիչ ավելի հեռու լինելով՝ նրա շարժումները չէին երևա:
- 3) *Եթե հեռանալը հեշտ լիներ, Գրիգորյանը վաղուց հեռացած կլիներ գյուղից:*  
Գյուղից հեռանալը հեշտ լինելու դեպքում Գրիգորյանը վաղուց հեռացած կլիներ:
- 4) *Ինչ որ իրեն պետք էր լինում, նա այդպես կատակով վերցնում էր:*  
Իրեն պետք եղածը նա այդպես կատակով վերցնում էր:

20

**Ո՞ր նախադասության մեջ ստորակետ պիտի դրվի (նախադասությունները կետադրված չեն):**

- 1) Ձորի բերանին կտրուկ գառիթափի տակ էր կանգնած եղբայրը գայլի համար լարված թակարդը ձեռքին:
- 2) Հերթապահ կնոջ մի կարճ հայացքից ես հասկացա ինչ է մտածում նա մեր մասին:
- 3) Աղջիկը փրկել է նկարը և բավական երկար ժամանակով հեղինակի ընտանիքը նյութական նեղ կացությունից հանել:
- 4) Նա միլիոնատիրոջ որդի էր ուժեղ երկրի ներկայացուցիչ:

21

**Ո՞ր միտքը չի հակասում տրված տեքստի բովանդակությանը:**

*Հնդկեղեգը շատ թեթև, ճկուն և ամուր խոտաբույս է: Աճում է տաք երկրներում, ու թեև նրա հիմքի հաստությունը սովորաբար 30 սմ-ից չի անցնում, սակայն որոշ հնդկեղեգներ աճում և հասնում են մինչև 40 մ բարձրության: Հնդկեղեգն աճում է տաք երկրներում, ուր շատ են արևն ու խոնավությունը: Հաճախ այն անանգամեղի մասցառուտներ է առաջացնում. բներն այնքան մոտ են լինում միմյանց, որ նման անտառով չես անցնի: Ընդ որում, այդ մասցառուտները կարող են առաջանալ այնտեղ, ուր մի քանի օր առաջ ոչինչ չկար: Կովկասում աճող հնդկեղեգի հասակը մեկ օրվա ընթացքում ավելանում է 75 սմ-ով, իսկ իր հայրենիքում՝ Վիետնամում աճող հնդկեղեգինը՝ անգամ մինչև 2 մ-ով: Հնդկեղեգը լայնորեն կիրառում են տնտեսության մեջ. նրանից տներ, կամուրջներ, ջրմուղներ են կառուցում, կահույք ու թուղթ պատրաստում, իսկ մատղաշ ընձյուղները օգտագործում են նաև սննդի մեջ:*

- 1) Հնդկեղեգի մատղաշ ընձյուղները շատ հարմար են կահույք կամ թուղթ պատրաստելու, ինչպես նաև սննդի մեջ օգտագործելու համար:
- 2) Հնդկեղեգի հայրենիքում՝ Վիետնամում միայն կարող են հանդիպել 40 մ բարձրության հասնողներ:
- 3) Հնդկեղեգի աճման համար բարենպաստ պայմաններ են տաքությունն ու խոնավությունը:
- 4) Հնդկեղեգի ծառերը սովորաբար միայնակ են աճում:

22

**«Մասնա ծներ» էպոսի («Մասունցի Դավիթ» համահավաք բնագիր) վերաբերյալ ո՞ր պնդման մեջ սխալ չկա:**

- 1) Բերդի կառուցման ժամանակ Սանասարը շինարարությամբ է զբաղվում, իսկ Բաղդասարը միայն որս է անում:
- 2) Մեծ Սիերը մենամարտում սպանում է Մըսրա Մելիքին և տիրում Բաղդադին:
- 3) Ամենահաղթ Դավիթը սպանվում է Չմշկիկ Սուլթանի թունավոր նետից:
- 4) Փոքր Սիերը ոչնչացնում է Կոզբաղինի թոռներին, որոնք ուզում էին հարկատու դարձնել Սասունը:

23

**Ա. Բակունցի «Միրհավ» պատմվածքի վերաբերյալ ո՞ր պնդումը ճիշտ չէ:**

- 1) Սոնայի ամուսնությունից հետո Գիլանը և Սոնան այլևս երբեք չեն հանդիպում:
- 2) Գիլանը և Սոնան մանկության ընկերներ էին, և նրանց սերը ծնվել էր աննկատ:
- 3) Սոնան ամուսնությունից մեկ տարի հետո մահանում է:
- 4) Գիլան դային Սոնայի մահից հետո ամուսնանում է, բայց մինչև խոր ծերություն հիշում է Սոնային:

24

**Ո՞ր բառն է բաց թողած:**

*Իջնում էին խոհուն, խոնարհ  
Դեզերի ուսին  
Մի կաթնահունց երկնակամար,  
Մի..... լուսին:*

- 1) գունատ
- 2) ծերատ
- 3) կիսատ
- 4) փայլատ

25

**Ո՞ր հատվածն է Պ. Սևակի «Վարք մեծաց» բանաստեղծությունից:**

- 1) Սերում են նրանք և այն ծերուկից,  
Որ նախընտրում էր ապրել տակառում:
- 2) Նա օտար հրի ճարակի դիմաց  
Մեր ինքնությունը կոփեց ու կռեց...
- 3) Նրանք ծնվում են իրենց ծնողի անօգնությունից,  
Որպեսզի դառնան նոր գորեղություն:
- 4) Դու, որ սայթաքել ու վայր ես ընկել,  
Ընկել ես, սակայն երբեք չես ծնկել...

26

**Պնդումներից որո՞ւմ սխալ չկա:**

- 1) Ավ. Իսահակյանի «Մեր պատմիչները և մեր գուսանները» բանաստեղծությունը գրված է «Մասնա ծռեր» էպոսի հազարամյակի առիթով:
- 2) Լ. Շանթի «Հին աստվածներ» դրամայի հիմքում ընկած են հայ հնագույն առասպելների սյուժեները:
- 3) Գ. Վարուժանի «Ցեղին սիրտը» ժողովածուն բաղկացած է երկու մասից, որոնցից առաջինը կոչվում է «Մարտուններ», երկրորդը՝ «Կրկեսին մեջ»:
- 4) Հայ նորագույն գրականության հիմնադիրներն են Ե. Չարենցը և Վ. Տերյանը:

27

**Տրվածներից ո՞րը հիշատակված չէ Գ. Վարուժանի «Հարճը» պոեմի՝ Նազենիկի մարմինը բարդու տակ ամփոփելու տեսարանում:**

- 1) Արամազդ աստվածը
- 2) սիրենների կղզու հավերժահարսերը
- 3) անտառի Դիցանույշը
- 4) անտառաբնակ չորս քուրմերը

28

**Հ. Թումանյանի «Անուշ» պոեմի ո՞ր հերոսն է պոեմի դրվագներից մեկում նկարագրվում հետևյալ կերպ.**

*Դեմքը այլալիված, քայլվածքը մոլոր.  
Մարսասի է կաթում արնոտ աչքերից,  
Եվ կերպարանքը փոխված է բոլոր:*

- 1) Սարոն
- 2) ծերունին
- 3) Մոսին
- 4) Անուշը

29

**Ո՞ր տողը Մ. Մեծարենցի «Սիրերգ» («Գիշերն անույշ է, գիշերն հեշտագի՛ն») բանաստեղծությունից չէ:**

- 1) Համբույրիդ, գիշե՛ր, պատուհանս է բաց
- 2) Բայց լույսն իմ հոգվույս քիչ-քիչ կը մաշի՛
- 3) Համբույրներ կու գան հովեն ու ծովեն
- 4) Լուսեղեն ճամփեն ես կանցնիմ գինով

30

**Բանաստեղծական հատվածներից ո՞րը որ հեղինակի ստեղծագործությունից է:**

- ա. Ու պոետներ, որ չեն պրդծել իրենց շուրթերն անեծքով,  
Պիտի գովեն քո նոր կյանքը նոր երգերով, նոր խոսքով...
- բ. Դու պիտի ծաղկի՛ս, երկի՛ր հայրական,  
Քո ոգով, ոճով և բարձրագլուխ,  
Դու պիտի հնչես, հնչես հաղթական,  
Իմ հին հայ լեզու՝ քա՛ղցր ու սրտաբո՛ւխ:
- գ. ...Բայց հրկեզ հոգիս մորմոքում այս տոթ  
Հավատում է դեռ քո առավոտին...
- դ. Եվ թող տեսնեն իմ աչքերի մեջ կախվածի,  
Իմ բո՛րբ երկիր, լուսապսակ քո ապագան:

1. Ե. Չարենց
2. Ավ. Իսահակյան
3. Հ. Թումանյան
4. Վ. Տերյան

- 1) ա-3, բ-2, գ-1, դ-4
- 2) ա-1, բ-2, գ-4, դ-3
- 3) ա-3, բ-2, գ-4, դ-1
- 4) ա-2, բ-3, գ-4, դ-1



31

**Գ. Գեմիրճյանի «Վարդանանք» պատմավեպում ի՞նչ է հրամայում Հազկերտը Վարդանին նախարարների կեղծ ուրացությունից հետո:**

- 1) Հայաստանում մեհյաններ կառուցել
- 2) աջակցել Վասակին ձեռնադրելու արքա
- 3) մասնակցել քուշանների դեմ մղվող պատերազմին
- 4) հազարապետի հետ մեկնել Բյուզանդիա

32

**Ավ. Իսահակյանի ո՞ր ստեղծագործությունն է ավարտվում հետևյալ տողով.**

*«Ծնվում ենք ակամա, ապրում ենք զարմացած, մեռնում ենք կարոտով...»:*

- 1) «Համբերանքի չիբուխը»
- 2) «Լիլիթ»
- 3) «Սաադիի վերջին գարունը»
- 4) «Հավերժական սերը»

33

**Ե. Չարենցի նշված ստեղծագործություններից քանի՞սն են բանաստեղծություն.**

«Անակնկալ հանդիպում Պետրոպավլովյան ամրոցում», «Ես իմ անուշ Հայաստանի», «Գեպի լյառը Մասիս», «Երբ էս հին աշխարհը մտա...», «Հեռացումի խոսքեր», «Հարդագողի ճամփորդները», «Էլի գարուն կգա...», «Կուզեմ հիմի փչե գոտնեն...», «Մոմա»:

34

**Քանի՞ բառակապակցության մեջ մեծատառի գործածության հետ կապված սխալ կա.**

Կալիֆոռնիայի Նահանգ, Լոպե Դե Վեգա, Խոսրովի արգելավայր, Հուդզոնի ծոց, Կենտրոնական Եվրոպա, Խորենացու փողոց, Կարելական Հանրապետություն, Մեքսիկայի Միացյալ նահանգներ, Լուիզ Սիմոն-Մանուկյան, Պողոս Առաքյալ:

35

**Նախադասություններից քանի՞սն են համառոտ:**

- Իսկ ժողովուրդը տեղից տեղ է թափառում:
- Չէ՛, հա՛յր սուրբ, ամբոխը չի հանգստանա:
- Ճարտարապետին կանչե՞մ, հայրի՛կ:
- Անշուշտ, տարակուսանքները գլուխ էին բարձրացրել:
- Քաջերի սահմանը իրենց զենքն է:

36

**Բառերից քանի՞սն են կրկնավոր բարդություն.**

լեփ-լեցուն, գլուխ տալ, նետ-աղեղ, տուն-թանգարան, աման-չաման, մեծ ու փոքր, մարդ-մուրդ:

37

**Անկանոն բայերից քանիսի՞ տվյալ ձևերը կանոնավոր կազմություն ունեն.**

տե՛ս, անելու եք, վեր կացան, չանես, ասում են, դառնալու են, տո՛ւր, եկել է, առե՛ք, կթողնեք:

38

**Նախադասություններից քանիստ՞ում կետադրական սխալ կա:**

- Մենք եղեգների մեջ թաքնված՝ հետևում էինք այդ թռչունների խելացի որսին:
- Բայց վերջում հանկարծ անհանգստացավ, ու խղճի՝ մի պահ քնած խայթը նորից արթնացավ:
- Առջևից գնում էր տարեց որսորդ Ավետը, նրա հետևից՝ Գարեգինը, իսկ վերջում՝ խմբի ամենակրտսեր անդամն էր՝ Աշոտը:
- Ինքը դուրս եկավ, մոտեցավ գետի հուռքի կանաչով ծածկված ափին ու նստելով այնտեղ ընկած մի փտած գերանի՝ սկսեց անթարթ հայացքով դիտել շառաչուն գետի հաստատուն վազքը:
- Տարտամ քայլերով անցնում էր նա հյուրանոցի առջևով և շուռ գալով՝ տեսավ շքամուտքից դուրս եկող մի մարդու՝ վիթխարի գամփռի շղթան ձեռքին:

39

**Նշել նախադասության շարահյուսական վերլուծության սխալ տարբերակների համարները:**

*Իշխանը անմիջապես ճանաչեց նրան, որովհետև ճրագը նա էր բռնել. այդ անակնկալ հանդիպումը տխրեցրեց իշխանին:*

1. **ճանաչեց** – պարզ ստորոգյալ, **նրան** – հանգման անուղղակի խնդիր
2. **ճրագը** – ուղիղ խնդիր, **բռնել էր** – բաղադրյալ ստորոգյալ
3. **այդ** – որոշիչ, **հանդիպումը** – ենթակա
4. **տխրեցրեց** – պարզ ստորոգյալ, **իշխանին** – հանգման անուղղակի խնդիր
5. **իշխանը** – ենթակա, **որովհետև** – պատճառի պարագա

40

**Նշել այն բառերի համարները, որոնցում հնչյունափոխություն կա.**

1. զինավարժանք, 2. ձեղնահարկ, 3. մատուցարան, 4. կաչուն, 5. պատրանք, 6. դանակ,
7. մանկավարժական, 8. ստորև, 9. նկարակալ:

41

**Նշել այն բառերի համարները, որոնց արմատներից մեկին կարող է միանալ *նիշ* արմատը և բարդ բառ կազմել.**

1. միամտություն, 2. բազմավաստակ, 3. փորձանոթ, 4. մարդանման, 5. ուղեմուկ, 6. ձողաձուկ, 7. տասնյակ, 8. շարժուձև, 9. այսչափ:

42

Նշել այն շարքերի համարները, որոնց բոլոր բառերը դերանուններ են:

1. ոչինչ, ոչ որ, ոչ, ոչ մի
2. ինքներս, այնքան, ոմանք, ինչպես
3. քանի, քանիներորդ, քանի որ, մի քանի
4. նույնչափ, ինչ-որ, ինչպիսի, նախքան
5. մյուս, որոշ, իրար, ոմն
6. ամեն որ, ուրիշ, համայն, որևիցե

43

Նշել այն տարբերակների համարները, որոնցում նախադասության անդամների ձևաբանական վերլուծության սխալ *չկա*:

*Մի բան, ինչ ես սիրում էի այդ գեր ու կենսախիռն մարդու մեջ, այն էր, որ երբեք ինձ խրատներ չէր տալիս, որը ինձ համար հազվագյուտ շնորհ էր:*

1. **այդ** – ցուցական դերանուն, **սիրում էի** – պարզ բայ, ներգործական սեռ
2. **մարդու** – գոյական, **ու** հոլովում, **մեջ** – կապ, հետադրություն
3. **երբեք** – ժամանակի մակբայ, **չէր տալիս** – անկանոն բայ, անկատար անցյալ
4. **հազվագյուտ** – ձևի մակբայ, **շնորհ** – գոյական, ուղղական հոլով
5. **ինչ** – ստորադասական շաղկասպ, **ես** – անձնական դերանուն, ուղղական հոլով

44

Ըստ հերթականության նշել, թե որ բառահոդվածը ինչպիսի բառարանից է բերված: Բառարանների տեսակներից 2-ը ավելորդ են:

- {[(իր)ավ]ա (գիտ)}ություն, գ. [գիտ<գետ<գէտ]:
  - ԽԵԼՔԻՅ ՀԱՆԵԼ,-1. Ուղիղ ճանապարհից շեղել, վատ խորհուրդներ տալով մեկին գայթակղել: 2. Մոռանալ, հրաժարվել, չհիշել:
  - +ՈԼՈՔ, ի-ա<sup>օ</sup> հլ. «ծունկից մինչև կրունկը եղած մասը»: =Բնիկ հայ բառ՝ որ ծագում է հնիս. օլեզ-ձևից (երկրորդ ձայնավորը առաջինի ազդեցությամբ դարձել է **ո**):
  - ՄԵԾ, ա. 1. Խոշոր, հսկա, աժդահա, ահռելի, սովար, վիթխարի, (բրբ.) ջոջ: 2. Ականավոր, նշանավոր (մարդ):
1. բառակազմական
  2. դարձվածաբանական
  3. հոմանիշների
  4. համանունների
  5. բացատրական
  6. ստուգաբանական

Տրված 6 պնդումներից յուրաքանչյուրի համար ընտրի՛ր *Ճիշտ է, Միսալ է, Չգիտեմ* տարբերակներից որևէ մեկը:

1. Անջատման անուղղակի խնդիրը կարող է արտահայտվել միայն բացառական հոլովով:
2. Ուղիղ և անուղղակի խնդիրները կարող են արտահայտվել և՛ հոլովաձևերով, և՛ կապային կապակցություններով:
3. *«Ձուրն ամբողջովին քրջել էր նրա հնամաշ տրեխները և լցվել գուլպաները»* նախադասության մեջ կա երկու ուղիղ խնդիր:
4. *Նվիրել, հանձնել, տալ* բայերը կարող են միաժամանակ ունենալ թե՛ ուղիղ, թե՛ հանգման անուղղակի խնդիր:
5. Ներգործող խնդիրը դրվում է ներգործական սեռի բայերի պահանջով:
6. Վերաբերության խնդիրը արտահայտվում է միայն կապային կապակցությամբ:

## Բ մակարդակ

46 Ո՞ր շարքում ուղղագրական սխալ *չկա*:

- 1) չընկնի, անընկճելի, մեղմօրոր, առնչություն
- 2) անհեթեթ, հեղեղատ, հեղեղել, հեղիեղուկ
- 3) արբշիռ, փաղչել, հորձանուտ, տարրալուծել
- 4) դշխեմ, սրդողած, տարերք, ընչացք

47 Ո՞ր շարքի բոլոր բառերում *ու* ձայնավորի հնչյունափոխություն կա:

- 1) բռնագրոսիկ, շրջադարձ, շարակցական
- 2) ըմպանակ, կպչուն, չվերք
- 3) խցանահան, գուժկան, տնկարան
- 4) մշկենի, նշաձև, մրցագորգ

48 Ո՞ր շարքում են բառերը դասավորված այբբենական կարգով:

- 1) նագելի, նախարար, նախադաս, նախազգացում
- 2) նեղություն, նենգաբար, նենգամտություն, նենգափոխել
- 3) մրմունջ, մրջյուն, մրուր, մրցունակ
- 4) մուրճ, յաթաղան, յուրօրինակ, յոթական

49 Ո՞ր տարբերակում դարձվածքի սխալ բացատրություն կա:

- 1) *արդար յուրի տեղ ընդունել* – առանց կասկածելու հավատալ, *ուրքի տակ ընկնել* – խանգարել
- 2) *ուրբաթը շուտ գալ, քան շաբաթը* – որոշված գործը խափանող անակնկալ բան պատահել, *լեզուն կարճ* – հնազանդ
- 3) *տակն ու վրա անել* – ասվածը սխալ հասկանալ, *ճանապարհին մնալ* – գործը անավարտ թողնել
- 4) *օձիքը բաց չթողնել* – մեկից համառորեն պահանջել մի բան անել, *իրեն հավաքել* – զգաստանալ

50 Ո՞ր շարքի բոլոր բառերն են կազմությամբ բարդ:

- 1) երկաթուղի, միջնապատ, զբոսայգի, խորագնիմ
- 2) ոսկրախտ, հեռագիր, ինչևէ, գրասեղան
- 3) ծովափ, սրտակեր, վերադարձ, վազանց
- 4) մեղմանուշ, երգչախումբ, շուրջպար, ընչագուրկ

51

**Ո՞ր շարքի բոլոր բառերն են կազմությամբ ածանցավոր:**

- 1) տարակույս, դյուրին, կաղին, պահոց
- 2) տեսուչ, անկյալ, երջանիկ, հայտնապես
- 3) հեռաստան, խորաքնին, տենչանք, ընտրովի
- 4) հակադիր, պարագիծ, տանջանք, լծկան

52

**Ո՞ր շարքի բոլոր բառերի առաջին արմատն է միավանկ:**

- 1) կարեվեր, ագեվագ, ուսումնատենչ
- 2) պնդողակ, սնապարծ, հպանցիկ
- 3) բարձրուղեշ, հայրենադարձ, հուշարձան
- 4) հարցասեր, տարեդարձ, խրձածև

53

**Ո՞ր նախադասության մեջ դիմորոշ հոդի գործածություն կա:**

- 1) Մռայլ խորհրդածությունները թույլ չտվեցին գիշերս աչք փակել:
- 2) Աչքերիդ փայլից երևում է, որ նպատակդ կատարվել է:
- 3) Հրաշալի վարդերը ձեռքներիս՝ անհամբեր սպասում էինք օդանավի վայրէջքին:
- 4) Սեպտեմբերի քսանմեկին հայերս մեծ շուքով տոնեցինք Հայաստանի անկախության պանծալի քսանամյակը:

54

**Ո՞ր նախադասության մեջ ներգործական սեռի բայ կա:**

- 1) Վաղ մանկությունից գրկվելով ծնողներից՝ Արսենը մնաց միայնակ, մնաց որբ՝ երբեմն-երբեմն արժանանալով հարևանների կարեկցանքին:
- 2) Երբ բակ մտա, ինձ այնպես թվաց, թե սպիտակ տան ներսում ինչ-որ մարդիկ են հավաքվել, ու մեկը, իր ափերից դուրս եկած, գոռգոռում է:
- 3) Ինչպե՞ս եղավ, որ աշխարհը այսպես փոխվեց, ո՞ր գնացին այն օրերը, երբ սնդուկում գրնգում էր ոսկին:
- 4) Գարնանը Արաքսը ելնում է իր ափերից՝ վարար ջրերով տիղմ կուտակելով լայն տափարակի վրա:

55

**Ո՞ր նախադասության մեջ սուկածանցավոր բայ չկա:**

- 1) Պղտոր հեղեղի բերանն ընկած տաշեղի պես Լառ-Մարգարը շատ ափերի էր զարկվել, վերջը ալիքը Լառ-Մարգարին իր թոռան հետ գցել էր այդ գյուղը:
- 2) Կտավատը ժպտում էր կապույտ ծաղիկներով, ծիրանն արդեն դեղնել էր, մասրենու մոտ պառավը կանգնել իրեն էր սպասում:
- 3) Կարծելով, որ վերջացավ խոսակցությունը պրոֆեսորի հետ՝ ուսանողները վեր կացան հրաժեշտ տալու:
- 4) Նա անցավ նոր ավարտված մի շենքի առջևից, հետաքրքրությամբ դիտեց շենքը և տեսավ, որ պատերը ներկված են զանազան գույներով:

56

Ո՞ր նախադասության մեջ վերաբերական *չկա*:

- 1) Բանաստեղծն արդեն տանջանքից հոգնել, Ուզում է քնել, հավիտյան քնել:
- 2) Գուցե Բասուտա գետը, ուրիշ գետի հետ խառնվելով, հասնում է այն ծովին:
- 3) Պատասխան տուր ինձ, մատնի՛չ սևաչյա, Մի՞թե Թաթուլը քաջ չէր ու սիրուն...
- 4) Նա ուզում էր սխալ լսած լինել, բայց հենց ես էլ հաստատեցի նրա լսածները:

57

Փակագծերում տրված բառերի ձևափոխության ո՞ր տարբերակն է ճիշտ:

*.....ձայներ ..... ' նա շրջվեց ու ..... Սնքատ Բագրատունուն ' թագադիր  
ասպետին, որ ..... առույգ, խրոխտ ու պատկառազորու կեցվածքով:*

(թիկունք, լսել, տեսնել, առաջանալ)

- 1) Թիկունքում, լսելիս, կտեսներ, առաջ էր գալիս
- 2) Թիկունքով, լսողը, տեսել էր, առաջանալու էր
- 3) Լսելով, թիկունքից, տեսնում էր, առաջ էր գալիս
- 4) Թիկունքից, լսելով, տեսավ, առաջանում էր

58

Ընդգծվածներից ո՞րը դերբայական դարձված չէ (նախադասությունները կետադրված չեն):

- 1) Ծառաները **գլխարկները հանած** խոնարհվեցին մինչև գետին:
- 2) Ես կախարդ եմ **ապագան գուշակող**:
- 3) Եվ **կտրուկ շուռ գալով** տեսավ դեպի իր կողմը եկող մարդկանց:
- 4) Նրան կանչում էր անտառը **խորհրդավոր ձայներով**:

59

Ո՞ր նախադասության մեջ համաձայնության սխալ կա:

- 1) Դրսում ցուրտ էր, և գյուղի փողոցներում ոչ մի մարդ, ոչ մի կենդանի արարած չէր երևում:
- 2) Ամեն ոք ցանկանում էր հնարավորինս շատ տեղեկություն ստանալ:
- 3) Պետական բոլոր մուծումները ձեռնարկության կողմից կատարվել է ժամանակից շուտ:
- 4) Երբ առաջնորդը կամ իշխանները անհրավ ու անհավատարիմ են, զարմանալի չէ, եթե ժողովուրդն էլ ապերախտ լինի:

60

**Ո՞ր տարբերակում է պարզ (դերբայական դարձվածով) նախադասությունը ճիշտ փոխակերպված բարդի:**

- 1) *Օրերից մի օր՝ հոյակերտ մի դոյակի մոտով անցնելիս, տեսավ գեղանի արքայադստերը:*  
Երբ օրերից մի օր անցնում էր հոյակերտ մի դոյակի մոտով, տեսավ գեղանի արքայադստերը:
- 2) *Խելք խելքի տալուց հետո ծնողները համաձայնեցին որդու՝ արտասահման մեկնելուն:*  
Երբ խելք խելքի տվեցին, ծնողները համաձայնեցին որդու՝ արտասահման մեկնելուն:
- 3) *Թիֆլիսի քաղաքային ինքնավարության մեջ կայացած մի ժողովում պատգամավոր է ընտրվում նաև Շիրվանզադեն:*  
Թիֆլիսի քաղաքային ինքնավարության մեջ կայացած մի ժողովում էր, որ պատգամավոր է ընտրվում նաև Շիրվանզադեն:
- 4) *Չնայած տարիքով բավական մեծ լինելուն՝ խաղում էր իրենից մի քանի տարով փոքրերի հետ:*  
Թեև տարիքով բավական մեծ էր, խաղում էր իրենից մի քանի տարով փոքրերի հետ:

61

**Ո՞ր նախադասության մեջ բուժ պիտի դրվի (նախադասությունները կետադրված չեն):**

- 1) Բոլոր մեկնաբանությունները սակայն կլինեն մտացածին և անէական իսկ հիասքանչ առեղծվածը գոյատևելով կշարունակի ավելի դյուրեւ տղամարդկանց իր անբացատրելիությամբ:
- 2) Կարելի է տեսնել ներկարարների որոնց բարձրավիզ կոշիկների վրա երևում էին բոլոր ներկերի հետքերը սևից մինչև սպիտակ:
- 3) Նա խորհրդավոր ժպիտը դեմքին դիմավորեց ամուսնուն սակայն բոլորն էլ լավ հասկանում են թե ինչ էր նա մտածում իրականում:
- 4) Իմ առջև փռված են հայրենի դաշտերը լուռ խաղաղ ու հարազատ դաշտերը:

62

**Ո՞ր տարբերակում են ճիշտ նշված բոլոր այն պնդումների համարները, որոնք համապատասխանում են Հ. Մաթևոսյանի «Կանաչ դաշտը» պատմվածքի բովանդակությանը:**

1. Մայր ձին բնագործ վտանգ էր զգացել այն ժամանակ, երբ դեռ թշնամու՝ գայլի ո՛չ հոտն էր զգացվում հովտում, ո՛չ ձայնն էր լսվում:
2. Գայլի կռիվը եսասիրություն էր, իսկ մայր ձիունը՝ անձնագոհություն, քանի որ գայլը կռվում էր իր ստամոքսի համար, իսկ ձին՝ իր ձագուկի:
3. Ջգալով, որ շունչը փչում է, մայր ձին մի կողմ է վանում կերակրվելու եկած իր քուռակին և հրաժարվում է կաթ տալուց:
4. Փոքրիկ հովիվը զարմանում է, թե շներն ինչու այդպես արագ թափով պոկվեցին տեղից ու վազեցին դեպի կանաչ հովիտը, քանի որ ինքը գայլի ու ձիու կռիվը չէր տեսել:
5. Շների հայտնվելուց հետո գայլը անմիջապես չի նահանջում և չի հրաժարվում պայքարից, շարունակում է կռիվը արդեն շների դեմ:
6. Կանաչ դաշտում կռվի տեղը՝ սև շրջանակը, տարիների ընթացքում լցվում է կանաչով ու կորչում, և կռվի միակ հետքը մնում է քուռակի ոտքի սպին:

- 1) 2, 3, 5
- 2) 2, 4, 6
- 3) 1, 3, 4
- 4) 1, 5, 6



63

**Գրական ո՞ր ուղղության ներկայացուցիչն է Շիրվանզադեն:**

- 1) ռեալիզմի
- 2) սիմվոլիզմի
- 3) կլասիցիզմի
- 4) ռոմանտիզմի

64

**Տրված հատվածում պատկերավորման-արտահայտչական նշված միջոցներից քանի՞սն են գործածվել.**

մակդիր, շրջադասություն, փոխաբերություն, համեմատություն:

*Այնպես զգվող է երեկոն անափ,  
Ծաղիկներն այնպես նագով են փակվում,  
Շուրջս վառված է մի անուշ տազնապ,  
Մի նոր հուզում է սիրտս մրրկում...*

65

**Քանի՞ բառազույգեր են իրար հականիշ.**

թռնել-փթթել, ապառիկ-կանխիկ, տարտարոս-գեհեհ, ճաղատ-թավամագ, բանադրանք-օրհնություն, անձուկ-նեղ, գողոն-անթաքույց:

66

**Տրվածներից քանի՞սն են ածականներ.**

աշխատանք, մանուշակ, բարի, հնագույն, աշխատանքային, հմայք, վաղորդայն, արծաթե, պարզ, բռունցք, մոտեցում:

67

**Նշել այն նախադասությունների համարները, որոնց ստորադասի բնույթը սխալ է նշված:**

1. Թե ուզում ես երգի լսեն, ժամանակիդ շունչը դարձի՛ր: *(պայմանի պարագա)*
2. Սերը հասկանում է միայն նա, ով դա զգացել է: *(ենթակա)*
3. Ես չեմ ուզում փշրել երազները նրա, ով դեռ հավատում է հեքիաթներին: *(որոշիչ)*
4. Չկա որևէ մեկը, որ աստվածների կողմից առատորեն օժտված լինի ամեն ինչով: *(ուղիղ խնդիր)*
5. Եվ գիշերը, երբ Բաղդադը քուն էր մտել Տիգրիսի նոճիածածկ ափերի վրա, գաղտնի հեռացավ քաղաքից: *(ժամանակի պարագա)*

68

**Նշել այն բառերի համարները, որոնցում *n*-ն արտասանվում է *o*.**

1. անորակ, 2. ամենատրակյալ, 3. նրբաոճ, 4. ծնկոսկր, 5. բախտորոշ, 6. որակագրկել, 7. ողբանվագ, 8. եռոտանի, 9. հայրդդի:

Ըստ հաջորդականության՝ նշել, թե որ հատվածը Վ. Տերյանի որ ստեղծագործությունից է:

- Կար մի երգ հեռավոր աշխարհում,-  
Դու այն երգն ես կրկնում հեռավոր-  
«Ես սիրում եմ, դու ինձ չես սիրում»,  
Եվ հին են քո խոսքերը բոլոր...
  - Ես ու դու էլ շղթայված ենք իրարու,  
Կարոտավառ երագում ենք միշտ իրար...
  - Բարբարոսներ շատ կըզան ու կանցնեն անհետ,  
Արքայական խոսքը մեր կըմնա հավետ:
  - Ծաղիկների մեջ այդ անուրջ կույսի շշուկը մնաց,  
Եվ ծաղիկները այդ սուրբ շշուկով իմ սիրտը լցրին...
1. «Fatum»
  2. «Կարուսել»
  3. «Տխրություն»
  4. «Մի՛ խառնեք մեզ ձեր վայրի,  
արջի ցեղերին»

Տրված 6 պնդումներից յուրաքանչյուրի համար ընտրի՛ր *ճիշտ է, Միսալ է, Չգիտեմ* տարբերակներից որևէ մեկը:

1. *Տալ* բաղադրիչ ունեցող բոլոր բայերը պատճառական են:
2. Պատճառական ածանց ունեցող բայերի եզակի հրամայականը կազմվում է *ու*, իսկ հոգնակին՝ *եք* վերջավորությամբ:
3. *Ե* խոնարհման պարզ և պատճառական ածանց ունեցող բայերի անորոշ դերբայը և վաղակատար ձևաբայը ձևով նույնն են:
4. Պատճառական բոլոր բայերը ներգործական սեռի են:
5. Եթե բայն ունի պատճառական կամ կրավորական ածանց, ապա պատկանում է *ե* խոնարհման:
6. Բոլոր բայերից հնարավոր է կազմել պատճառական բայեր *ացն, եցն, ցն* ածանցներով: